



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 8. De adulacione, susurratione, murmuratione, & derisione,

[urn:nbn:de:hbz:466:1-78477](#)

tenerit, etiam cum propter vitæ periculum: cum mortis temporalis postponenda sit morti æternæ: cui obnoxius manet non defensus à mortali peccato, prout censetur testis non reuocans testimonium, per quod causam dat morti innocenteris, illius vitam iniuste inuidens.

168.

Porro cum quis non solus sed alij cum ipso falsum testimonium tulerunt, nec volunt reuocare; istud habet locum in duobus casibus: quorum prior est quando ipse ius in author fuit illud dicendi. Quia enim qui dicit est causa cause, est etiam causa causati; non tantum illi suo testimonio innocentem inuidare cœlebuntur, sed etiam ipse sua inductione, quæ causa est ciuidem testimoniij. Posterior casus est: quando et si alii author ponuerit testificandi falsum: communis tamen consensu cum illis conspirasit in talem inuacionem innocentis. Cui sub mortali tenetur obuiare: quia ex eo, quod alij in peccato perseuerare velint, non licet ipsi in illo permaneant: neque ex eo excusat, quod alij perinde ac ipse teneant ad retractationem sui dicti, quia paratione tenetur in solidum, qua teneretur si cum iisdem de communi consensu, spoliasset aliquem bonis: quo casu tenetur intcre satisfacere, si illi non possent aut nollent id facere. Pro cuius pleniori notitia videnda sunt tradita in praed: lib. 10. num. 113, & aliquot sequentibus.

169.

In tribus autem aliis casibus illud ipsum non habet locum: Primus est, quando testimonium non fuit efficax, id est, nihil confert ad paenam reo inferendam, aut ad illius incrementum: quia videlicet aliorum testimonia, quæ praefecerunt, sufficienter fuerunt sine suo. Nam et si contra charitatem peccauerit falsum dicendo, non tamen contra iustitiam; vt pote qui nec de damnum nec illius causam efficacem dicerit: id coquere tenetur tanum ex charitate retractare suum illud testimonium. Cuiusmodi obligatio non est talis, quæ cum vita periculo impleri debeat. Ordine charitatis enim, vita propria præferunt alienæ.

Secundus casus est, quando effectus falsi testimoniij iam est securus, vt quando falso accusatus, iam est affectus suppicio. Quia cum quod factum est, inseatum esse nequeat: non manet falsi testis obligatio obiciendi se mortis periculo ad liberandum eum quem simili periculo iniuste exposuit; sed obligatio satisfacienti Deo per penitentiam: & propinquis per restitutionem, facienda eis secundum doctrinam traditam in memorato lib. decimo cap. 20.

Tertius casus est, quem ex Caït. habet Petrus à Nauar. de restit. lib. 2. cap. 3. num. 255, quando quis per ignorantiam seu obliuionem non damnablem, falso testimonium dixit. Sicut enim exculatur à malitia peccati iustitia, ita & ab obligatione restituendi satisfaciendive: perinde ac ille, qui similiter ex ignorantia seu obliuionis inculpabilis peccaverit, excusat à malitia peririj & ab obligatione pro eo satisfaciendi. Vnde obligatio obviandi damno ex tali testimonio securum, solum est ex charitate proindeque non habet locum in casibus nimis arduis, inter quos locum præciputum tenet casus periculi mortis.

CAPUT VIII.

De adulazione, susurratione, murmuratione, & derisione.

SUMMARIUM

- 170 Quid sit & quæ est peccatum sit adulatio.
- 171 Quid sit susuratio, & illius differentia à detractione & contumelia.
- 172 Quando sit peccatum mortale & quando veniale.
- 173 Quid sit murmuratio: quodque esse post tunc contra Deum, tuum contra Prelatos: de qua quando sit mortal, regulare generalis non datur.
- 174 Quid sit decisio & quando censetur peccatum mortale, quando tantum veniale.

SVPER SVNT paucis attingenda aliquot peccata lingue, quæ non nihil affinitatis habent cum detractione & contumelia.

Primum est, adulatio, quam Angelus in verbo Adulatio, in principio, definit peccatum ex sermoni vanæ laudis exhibito alicui, intentione complacendi. Vanam autem laudem

intellige, prout idem indicat, quæ aliquis laudatur de eo de quo non est laudandus; aut plusquam est laudandus, aut quæ non sit eo fine, quo fieri deberet. Potest autem eiusmodi peccatum esse mortale tribus modis ex D. Th. 2. 2. q. 11. art. 2. Ac primo ratione materia, puta quæ ad aliquis laudat aliquius peccatum: quia id dilectioni Dei contrarium est: quondam quidem in eo iustitia diuina damnatur, per quam Deus ipse peccate. Quæsi latitur repugnatque. Contrarium item est: dilectioni proximi, quem fouet in peccato. Hinc illud Isaie 5. 1. quid dicis in malum bonum.] Secundo ratione intentionis: ut cù quis hoc adulatur alicui, ut noceat ei vel corporaliter, vel spiritualiter. Vnde Proverb. 27. dicitur meliora esse vulnera diligentis, quam fraudulenta odientis oscula. Tertio, ratione occasionis: puta cum laudando aliquem, ei prater intentionem occasio præbet peccandi mortaliter. Quatenus in re videndum est, sitne occasio data, an accepta; pro quo consulere tradita de scandalo in praed. lib. 14. cap. 4. Addit autem D. Thomas, p. si aliquis ex sola auditate delandat alios, vel ad uitandum aliquid malum, vel ad cōsequendum aliquid bonū sibi necessariū adulet alicui, tanguī nihil dicitur, nisi ut agens conira charitatem, non peccare mortaliter.

Secundum peccatum est susurratio, quæ ex Caït. in reb. Susurratio, n. 171 describi potest, oblocutio & instituta ad amicitiam inter aliquos tollendam. Quia descriptione indicatur illius differentia à contumelia, quæ latit honorem; & à detractione quæ latit famam. Talis differentia D. Thomas mentionem inferens 2. 2. quaf. 7. 4. art. 1. eidem congruent in sequenti art. 2. docet quod Sotus in 5. de iust. & iure qu. 1. art. 1. plenus tractat: susurratio nem ipsum est esse peccatum grauius contumelia & detractione; quoniam amicitia bonum est melius honore & fama, ex Arist. lib. 8. Et hic cap. 1. Ad quod facit illud Ecclesiastici cap. 6. Amico fideli nulla est conparatio.] Vnde ex Nauar. in Enchir. cap. 18. num. 13. Susurro absolu non debet, donec eos quos discordes fecit, reconciliat inter se; aut saltem proponat firmiter se fieri curaturum: sique id consequi nequeat, se dannis securis satisfacturum iuxta iudicium boni viri.

Attamen, ut notat Caiet. in verbo susurratio, communiter contingit, tale peccatum esse veniale ob imperfectionem actus. Siue ex parte intentionis: cum scilicet quis non intendit quidem laedere amicitiam; materialiter tamen dicit aliquid procuratuum eiusmodi laetionis. Excipe, nisi de facto eadem sequatur grauius; susurro id aduertere debente: quoniam tanquam illata contra contracharitatem, non habetur tunc excusationem à mortali. Siue etiam ex parte eius, quod dicitur; nempe quando ipsum medium est, nec sufficiens de se ad dissolendum inter aliquos amicitiam. Siue denique ex parte modi dicendi putaria ioco, non item serio dicitur. Adde quod Sotus habet in cit. art. 1. paulo ante solutionem argumentorum; veniale quoque esse susurrare, non quidem ut ex amicis facias imicos: sed solum ut assiduum familiaritatem ab eis amoenus. Immo nullum peccatum esse susurrare ad dissolendum amicitiam perniciosa, dummodo id fiat circa infamiam.

Tertium peccatum est murmuratio: quæ definitur quærela cum impatientia, in iis, quæ homo debet patienter ferre. Commititur autem aliquando contra Deum; ut cum dispergit quod prosperitatem vel aduersitatem non tribuat in hoc seculo, secundum meritum hominum; vel quod non regat in mundum nostro arbitrio: tuncq; peccatum est mortale, quando cunctam habet notabilem De irreuerentiam; vt si usurpet credendo Deum esse iniustum; non gerere debitam curam hominum; aut in ea cura temere procedere, vel quid simile. Est igitur captiuandus intellectus, & in talibus humiliter dicendum cum Davide Psal. 118. Insuper Domine, & rectum iudicium tuum] & Psal. 50. Tibi soli peccasti, & malum coram te feci, ut iustificeris in sermonibus tuis, & vincas cum iudicaris.] Ut plurimum vero, contra Prelatos est murmuratio, cui pena in cap. Alienus dist. 9. statuit, ut qui murmurant, licet vnitate fratrum alienus. Contingit autem ex parte rei, de qua murmuratur; cum scilicet ea talis est, quam iuste quis patiatur; & nihilominus cancelli conqueritur: ut etiam ex parte modi, cum nempe cum patiens iniuste id fert impatienter, conquerendo clanculum, cum possit

possit remedium adhibere, monendum Prælatum coram. Iam quando siue hoc, siue illo modo facta murmuratio, sit peccatum mortale, & quando veniale, arbitrio prudentis relinquatur iudicandum ex circumstantiis seu qualitatibus & conditionibus rerum & personarum, neque id potest regulare generali definiti, prout in verbo murmuratio expresseAngelus, Sylvestris & Tabiena.

Quartum peccatum est derisio; quam congruenter doctrina D. Thomæ 2.2. q.75. art. 1. & 2. Nauar. in Enchir. cap. 18. num. 15. definit, significationem inordinatam mali culpa, peccata, vel defectus naturæ ad iniiciendam erubescientiam; idemq; admonet, inordinatam, dixisse, eo q; ordinata, actus sit virtutis. Eutrapelia, inclinantis ad recte videnti ludicris.

Porro mortal is censetur derisio, ut ex cir. art. 2. habent Sylvestris & Tabiena in verbo Deriso: cum quis deridendo, quem omnino parvipendit, tamque vilem existimat, unde eius malum non sit curandum, sed pro ioco habendum. Adde cum Iacobo à Graphis in lib. 2. de iust. auear. cap. 141. quando per derisionem notabilis erubescientia animique perturbatione iniicitur alicui, aut iniucere intenditur, aut illius sufficiens

causa datur, derisor est aduertente aut aduertere debente. Tanto autem grauius est tale peccatum, quanto derisor magis ceterum reuereri eum, quem deridet. Ideoque derisio Dei peccatum est grauissimum, rationem habens blasphemiam, vt ex eo intelligitur, quod D. Lucas in c. 22. Irrisori Christo factæ à dicentibus Propheta nobis Christe, &c. ad dederit, & alia multa blasphemantes.] Derisio item tum sanctorum, tum propriorum parentum peccatum est valde graue. Veniale vero peccatum est ex materia levitate: nempe cum quis ioco modicum deridetur: aut de malo admundum exiguo: quia erubescientia inde sequens, pro nulla reputatur. Intellige cum Soto l. b. 5. de iust. & iure quest. 11. art. 2. concl. 2. generis suo: quia si quis, ut ille bene ait, vitium non adeo per se malum illudendo obiciat alteri, quem scit irrisio nem agerim latrum, peccat grauiter contra charitatem; vt si honestissimo ac Religioso viro in fine obiceret ipsum absque arbitrio fuisse cum puella locutum, unde ingenti rubore ille suffunderetur, mortaliter profecto peccaret tanquam illicite contra charitatem graui molestia afficiens proximum.

L A V S D E O .

LIBER DECIMVS. ET TOTIUS OPERIS VIGESIMVS QVINTVS.

DE SPECIALI RATIONE IUDICANDI DE
peccatis in ordine ad contractus, & ad quasi con-
tractus ciuiles.

P R A E F A T I O .

Vi volunt diuites fieri incidunt in tentationem, & laqueum Diaboli, & desideria multa & nociva, quæ mergunt homines in interitum & perditionem. Quæ salutaris monitio D. Pauli in priori ad Timoth. cap. 6. rationem eam habere potest, quod cum diuiniarum acquirendarum modi alii sint de se illiciti, & alii de se liciti: radix omnium malorum (ut ibidem appellatur ab Apostolo) cupiditas faciat, vt non modo illi sint perniciosi, sed & hi sint periculosi: tanquam ii in quos malitia illorum deriuatur, dum ad eosdem palliandos seu tegendos, usurpatur. De qua usurpatione vt iudicetur, ad antedicta in lib. 23. De modis ipsis illicitis: addenda sunt pro sufficienti instructione Confessarii, quæ spectant ad modos acquirendi licitos: præsertim cum necessaria sit eorum notitia ad iudicandum, qui censi debeat illegitimi, & degenerasse in illicitos. Varii vero sunt modi liciti acquirendarum diuinarum, seu rerum temporalium: nam quandoque haec nullius domini sunt, vt quæ pro derelictis habentur: quandoque vero dominum habere probabile est, sed quis sit ignoratur: de quarum utrariumque usurpatione, siue illicita, iudicandum est secundum ea quæ tradita sunt in praecedenti lib. 10. ca. 13. sect. 3. Quandoque autem sunt communitalis bona: quorum usurpatio priuatis, per venationem, aut pescationem, aut lignationem, quando illicita sit iudicandum est per tradita in sequenti cap. 24. par. prima & secunda capit. Quandoque demum sunt bona propria aliquorum: eorumque usurpatio potest esse vel à magistratu per impositionem vestigium, gabellarum & aliorum id genus onerum: de qua quando illicita sit, iudicandum est per consequenter tradita ibidem par. 3. capit. vel à persona priuata: idq; duplicitate, vel de consensu domini ut sit in contractibus, de quibus iam nobis propositum est dicere, quantum sufficit ad iudicandum quando sint illiciti; vel sine consensu domini ut sit per usum capionem & præscriptionem, de quibus dictum est in eodem lib. 10. cap. 20. vt videtur sufficienter ad iudicandum quando talis acquirendi modus sit illicitus. Atque de contractibus variis tractant, quorum in sequentibus habebitur mentio: inter ceteros autem latissime Conradus septem tractibus, & nouissime tum Ludouicus Molina De iustitia & iure tractatu secundo tomo primo, tum Ferdinandus Rebellus in opere quod inscriptis, De obligationibus iustitiae. Nos Deo inuante persequemur ad nostrum institutum accommodate: primo tractatu quidem, generaliter spectantia ad rationem iudicandi de peccatis in ordine ad contractus ciuiles: reliquis vero, specialiter spectantia ad eorumdem singulos, & ad quasi contractus.